

AXUDAS

REDE EUSUMO

Convocatoria 2022

Páxina 2	NORMATIVA REGULADORA FINALIDADE BENEFICIARIAS
Páxina 3	ACTIVIDADES SUBVENCIONABLES NORMAS XERAIS DE SUBVENCIONALIDADE
Páxina 4	NORMAS ESPECÍFICAS DE SUBVENCIONALIDADE CONTÍAS
Páxina 5	OBRIGAS PRESENTACIÓN DE SOLICITUDE TRAMITACIÓN E RESOLUCIÓN PERÍODO DE EXECUCIÓN PAGAMENTO ANTICIPADO
Páxina 6	XUSTIFICACIÓN FINANCIAMENTO

IMPORTANTE:

**A información que se ofrece neste documento é un resumo
que non substitúe a orde de bases reguladoras.**

Antes de presentar a solicitude de subvención debe consultar a orde na súa versión íntegra

NORMATIVA REGULADORA

Orde do 29 de decembro de 2021 pola que se establecen as bases reguladoras para a concesión, en réxime de concorrencia competitiva, de subvencións ás entidades colaboradoras da Rede Eusumo para realizar actividades de promoción e impulso do cooperativismo e a economía social, e se convocan para os anos 2022 e 2023 (DOG núm. 16, do 25.01.2022).

FINALIDADE

Realización de **actividades de promoción e impulso do cooperativismo e a economía social** por parte das entidades colaboradoras da Rede Eusumo.

BENEFICIARIAS

Poderán ser beneficiarias as seguintes entidades:

- a) As **asociacións de entidades de economía social**.
- b) Os **concellos** de Galicia e as **áreas metropolitanas, mancomunidades** de municipios e os **consorcios** locais.
- c) As **cámaras de comercio**.
- d) As **universidades**.
- e) As **fundacións e asociacións** e as **organizacións profesionais, empresariais e sindicais**.

Requisitos:

- a) As entidades beneficiarias previstas no apartado a) e no e) deberán estar **legalmente constituídas e inscritas nos rexistros** competentes e estar **ao día no cumprimento das obrigas** referidas ao depósito de documentos e inscrición de acordos nos ditos rexistros.
- b) As entidades locais deben ter cumprido o deber de **remisión ao Consello de Contas das contas xerais de cada exercicio**, nos termos establecidos polo Decreto 193/2011, do 6 de outubro.
- c) **Ter formalizada a súa adhesión á Rede Eusumo** mediante a subscrición de convenio de colaboración coa Consellería.
- d) **Estar ao día nas obrigas tributarias e de seguridade social**, así como non ter pendente ningunha outra débeda coa Administración da Comunidade Autónoma.
- e) **Non ter sido sancionadas mediante resolución firme** coa perda da posibilidade de obter subvencións.

Calquera entidade poderá participar a título individual ou de forma conxunta con outras entidades.

Ningunha entidade poderá figurar en máis dunha solicitude individual, sen embargo pode figurar nunha individual e ademais nunha ou varias solicitudes conxuntas.

ACTIVIDADES SUBVENCIONABLES

As actividades de carácter informativo, divulgativo, formativo ou de asesoramento para fomentar o emprendemento cooperativo e a economía social. A título orientativo poderán consistir en:

- a) Organización de **actividades formativas**, tales como cursos e obradoiros, dirixidas a dar a coñecer os principios e características da economía social ou das súas entidades, mellorar o seu funcionamento e propiciar a súa consolidación e crecemento, así como formar o persoal responsable de titorías, especializado no asesoramento e acompañamento de proxectos.
- b) Organización de **actividades de difusión** como xornadas, conferencias, simposios, charlas ou visitas formativas.
- c) Celebración de **feiras, mostras e congresos**.
- d) Celebración de **encontros** entre entidades de economía social, ou entre estas e outros actores económicos, dirixidas á mellora da xestión, os intercambios comerciais, a intercooperación para a posta en marcha de actividades, a obtención de financiamento e outras finalidades semellantes.
- e) Actividades de **asesoramento e acompañamento a grupos promotores ou a entidades de economía social** preexistentes, para a posta en marcha de novos proxectos ou consolidación do negocio, realizadas de conformidade co “**Itinerario do emprendemento en economía social**” (www.eusumo.gal/asesoramento).

- f) Elaboración, publicación e difusión de **estudios, informes, traballos de investigación** así como **manuais, guías, unidades didácticas** ou similares, sempre que sexan inéditos.
- g) Elaboración de **proxectos de intercooperación e integración**.
- h) Elaboración de **plans estratéxicos de carácter plurianual** para o desenvolvemento da economía social.
- i) Calquera outra acción promocional que fomente o cooperativismo e a economía social.

NORMAS XERAIS DE SUBVENCIONABILIDADE

Gastos subvencionables son aqueles que responden á natureza da actividade subvencionada e se realizan no prazo establecido.

- Os tributos son gastos subvencionables cando se abonen efectivamente pola entidade beneficiaria.

- En ningún caso son gastos subvencionables os impostos indirectos cando son susceptibles de recuperación ou compensación nin o IRPF.

Solicitud de 3 ofertas: cando o importe do gasto supere a contía establecida para os contratos menores a entidade beneficiaria deberá solicitar, como mínimo e con carácter previo á contratación, tres ofertas de diferentes provedores, agás que non exista no mercado suficientes entidades que o presten

NORMAS ESPECÍFICAS DE SUBVENCIONABILIDADE

Para as **actividades formativas e de difusión** (letras a e b):

- Só serán subvencionables as actividades nas que se acredite a asistencia mínima de 10 alumnos/as e sempre que polo menos o 70 % do alumnado acredite unha asistencia mínima do 80 % da duración da actividade.
- Son subvencionables tanto os custos directos como os indirectos e de organización das actividades, neste caso co límite máximo do 30% da actividade.
- Non serán subvencionables os gastos correspondentes a manutención das persoas asistentes, tales como servizos de comidas e pausa-café.

Para as **actividades de asesoramento e acompañamento** (letra e)) só serán subvencionables as actividades nas que se acredite un mínimo de 10 horas de asesoramento; estea completo os bloques I e II do itinerario e se teña iniciado ou derivado a outra entidade o seguinte bloque.

Para os **gastos de persoal** asociados a calquera actividade só se terá en conta o salario base, os complementos de antigüidade e os asociados á categoría profesional ou o posto de traballo, as pagas extras, as cotizacións sociais e o IRPF, así como as axudas de custo.

Os **gastos de auditoría** son subvencionables cando esta sexa obrigatoria para a xustificación da axuda.

CONTÍAS

Ata o 80% do custo das actividades, cos seguintes límites:

1. Límite global:

120.000,00 € por anualidade e entidade beneficiaria. Se houber crédito remanente logo de atender todas as solicitudes, poderase incrementar ata 70.000,00 € adicionais por anualidade e entidade beneficiaria.

2. Límites específicos:

▶ Actividades divulgativas e formativas:

- 3.000,00 € por actividade. Máximo de 200 €/hora na primeira edición e 150 €/hora nas seguintes.
- Gastos de material, papelería e fotocopias: 8 € por alumno ou alumna con asistencia acreditada.
- Custos indirectos e de organización: ata o 30% do custo total da actividade realizada e xustificada.

▶ Celebración de encontros: 1.500,00 € por cada actividade.

▶ Asesoramento e acompañamento a grupos promotores ou a entidades de economía social: ata un máximo de 20,00 euros por hora de atención e 2.000,00 € por itinerario completado

▶ Informe de auditoría: 3.000 €.

3. Incentivo adicional:

Ata 1.000,00 € por cada entidade de economía social creada por iniciativa da entidade beneficiaria que alcanzase a fase de constitución formal durante o ano

natural anterior ao que se presentase a solicitude, ata un máximo de 10.000,00 € por entidade beneficiaria no caso de remanente de crédito.

OBRIGAS

Con carácter previo á realización de actividades divulgativas ou formativas ou á celebración de encontros (letras a, b, c e d) do artigo 7, a entidade beneficiaria deberá poñelo en coñecemento da Subdirección Xeral de Economía Social, por correo electrónico (economiasocial.emprego@xunta.gal) cunha antelación mínima de 5 días hábiles ao inicio da actividade.

Mensualmente deberán remitir, a través do correo electrónico (eusumo.emprego@xunta.gal) ou ben a través da Carpeta cidadá dispoñible na sede electrónica da Xunta de Galicia, o documento de seguimento de accións e indicadores dispoñible na intranet das entidades socias da Rede Eusumo (<http://eusumo.gal/intranet>), incluíndo os indicadores das actividades finalizadas no mes natural anterior.

As entidades beneficiarias deberán dar publicidade ao financiamento público das actuacións subvencionadas pola Consellería de Emprego e Igualdade e polo Ministerio de Traballo e Economía Social.

PRESENTACIÓN DE SOLICITUDES

Unicamente por medios electrónicos, a través do formulario normalizado (anexo I) dispoñible na sede electrónica da Xunta de Galicia, <https://sede.xunta.gal>.

PRAZO DE PRESENTACIÓN

A data límite para presentar as solicitudes é de 1 mes a partir do día seguinte da publicación da orde no DOG.

TRAMITACIÓN E RESOLUCIÓN

As axudas concederanse en réxime de concorrencia competitiva.

O órgano competente é a Dirección Xeral de Emprego, Traballo Autónomo e Economía Social..

PERÍODO DE EXECUCIÓN

PERÍODO DE EXECUCIÓN

Plurianual: desde o 01 de outubro de 2021 ata o 31 de outubro de 2023.

PAGAMENTO ANTICIPADO

Poderase realizar un pagamento anticipado de ata o 80% da subvención (co límite máximo do importe da axuda que corresponda ao exercicio orzamentario). Este anticipo non está suxeito á constitución de garantía.

XUSTIFICACIÓN

As entidades beneficiarias deberán xustificar o investimento e presentar a solicitude de pagamento.

No caso de subvencións de 20.000 € ou máis por cada anualidade, a conta xustificativa deberá acompañarse dun informe de auditor de contas. Ademais da memoria resumo da execución do programa subvencionado e da relación de facturas ou documentos xustificativos dos gastos realizados por cada unha das actividades.

Débese xustificar cada anualidade de xeito independente, segundo o seguinte calendario:

- 1ª anualidade (actuacións realizadas entre o 01.10.2021 e o 31.10.2022): data límite de presentación da xustificación: 31.10.2022.
- 2ª anualidade (actuacións realizadas entre o 01.10.2022 e o 31.10.2023): data límite de presentación da xustificación: 31.10.2023.

FINANCIAMENTO

A dotación desta convocatoria é de 683.000,00 €, distribuídos como segue:

- 2022: 258.000,00 €.
- 2023: 425.000,00 €.

MÁIS INFORMACIÓN

CONSELLERÍA DE EMPREGO E IGUALDADE

DIRECCIÓN XERAL DE EMPREGO,
TRABALLO AUTÓNOMO E ECONOMÍA SOCIAL

Edif. Administrativo. San Lázaro, s/n
15781 Santiago de Compostela

981 545 687

ceei.xunta.gal
economiasocial.emprego@xunta.gal

eusumo.gal
info@eusumo.gal